

中國佛寺志叢刊

趙樸初

題



明・周永年撰

鄧尉山聖因寺志
(上)

廣陵書社

邓尉山圣恩寺志

邓尉山圣恩寺志，十八卷首一卷末一卷。明周永年撰，民国十九年（1930）圣恩寺影印本。

周永年，字安期，明末吴江人，诸生，工诗文。明末避战乱居吴县西山，未而歿。周著诗万首，并撰有《吴都法乘》、《怀响斋词》等。圣恩寺在今江苏吴县福镇邓尉山南麓，邓尉山旧名大尖山，相传东汉邓尉隐于山中，故名。又因东青州刺史郁泰玄葬于山之西南，故又称玄墓山。圣恩寺最早为天寿、圣恩二天寿禅寺创于唐天宝年间，圣恩寺建于宋宝祐年间（1253——1258）。元代天寺毁，仅存圣恩寺。元末明初，万峰禅师来此开山中兴，洪武九年（1376）建观阁、法堂、大殿、塔院等，并铸钟、立钟楼，奠定了基业，传主融宗，五十余代衰。清康熙、乾隆两帝多次到此，使该寺极一时之盛，为光福丛林之首。现仍有大雄宝殿、天王殿、明代石坊及部分僧舍。

明嘉靖间，苏州人沈润卿撰有《邓尉山志》，崇祯时，周永年取沈志扩充益纂成《邓尉山圣恩寺志》。全书十八卷首一卷末一卷，凡二十四门，依次著

图、形胜、泉石、梵宇、禅祖、圣制、奏疏、公移、寺记、语录、录序、募疏、请疏、塔庙、塔铭、钟部、游记、题咏、杂文等。民国影印本书前有岑甫、费树蔚的重刊序及申璜之影印弁言，并收明陆灿《邓尉山志序》及沈润卿《邓尉山志总叙》。书后收民国李根源《题邓尉山圣恩寺志后》、钱谦益为周永年所撰墓志铭、像赞以及「重印邓尉山圣恩寺志序」等。

王明发

重刊鄧尉聖恩寺志序

鄧尉於吳郡西山中爲最勝而聖恩寺位其南麓樹石
而瞰湖還元一閣遠見莫釐縹緲環拱檻外漁洋法華
出沒雲濤中隱然備湖山之壯觀而爲選佛之場安禪
證法之勝地也寺自萬峰禪師草創後古德相望皆衍
臨濟之傳爲禪門作後起龍象蓋於元明兩朝稱最盛
云寺故有志吾邑鄉先生周安期永年所纂輯而嘉魚
熊開元所裁定嘉魚於崇禎初作宰吳江徵入爲給事
中明亡棄儒冠隱匡廬南嶽間後來靈巖頂禮弘儲徼

承印記爲三峰漢月再傳弟子世所稱黃葉禪師者也
方嘉魚染翰之年正值贍部毘嵐之劫修羅下降剎幢
摧倒而江南半壁歌舞湖山鈎黨重興清流竄逐積悴
之士如蒼雪咒林月面大瓢諸老遂以吳山爲棲遁之
所獨鄧尉弘璧少不涉世網以正覺闢大法而與諸大
德相投契卽文文肅姚文毅劉大參蔡忠襄輩亦皆推
挹宗風相與爲世外之友然自是而記載缺絕其間衣
拂傳授非桑門或不能約略數其世次則志之不可不
續輯也方今百法凌替修塗榛莽山中無弘璧之定力

世上少安期之治聞今古勢殊則固取舊志而重刊之
庶幾推見前賢之心迹亦述往事思來者之旨也寺僧
中恕通世出世法以此志屬爲弁言余於茲寺有空桑
之緣而閱茲末劫恨無世尊之力斷取閭浮大地着置
手掌使諸眾生承佛威神無有恐怖抱此宏願終成苑
結設想伽藍心身安隱含毫恨惘彌頌前修

民國己巳孟夏浴佛日吳江天羽松岑甫譔

重刊鄧尉聖恩寺志序

丙寅春予游鄧尉宿聖恩寺寺僧中恕出山志示予湖
成書之日已遠山中故事增益已多蓋嘗有重輯之志
人事卒卒無好懷亦遂忘之閱三載戊辰二月中恕攜
山志來曰知君絕去一切益無意於著述矣然歸杖經
行旃檀提掇信有因緣未容忍默此志板久燬寺中所
存祇一帙思其久而湮失也將鋟梓印行予其爲我序
之予遜謝不獲乃告上人茲山名最晚出而五百餘年
來殿閣雄傑深迴之觀今亦稍替矣上人其無以起廢

爲急也造物忌盛清象教崇虛寂巖壑之勝故宜在若
隱若顯閒不則貴豪之車馬雜沓而淪爲酒肉之場上
人其能以出世自域而不送迎不將接耶況世迎遷流
孔孟之教幾乎毀熄郡縣學舍或改作或頽朽而謂釋
老之宇能倖存耶睥睨而蹴踏者已不乏人他日事不
可知上人重梓此志庶幾留宗風於垂燼之餘表古德
有不朽之託而已三峰之悲願剖石之中興吼崖之遭
際當時賢士大夫因而輯山志爲碑記聲聞爛然上人
固無媿前修而所處非其時予亦非其人旣不敢以纂

輯自任抑承命作序而猶有餘懍也此志出熊周兩先生手陽九之厄甚於今時而俛仰之間身心尙有著處伊予小子憂生念亂若是之亟固學養之未充乎後之覽者亦可卽是而考其故矣志之體例無可議惟闕入有清順康間事則俗僧爲之當別爲一編而承以歷代事之可紀者名曰續志云吳江費樹蔚

影印鄧尉山志弁言

吳郡西山有志者若虎阜陽山華山堯峰靈巖皆得前
明人纂述而鄧尉尤著山中天壽聖恩禪寺自萬峰創
建至明季漢月中興剖石嗣法周永年編志之而熊魚
山爲之序時在崇禎末葉今志有清代康熙時吼崖鶴
山迎駕稱旨並乾隆初次南巡事由漸次增補也此後
禪宗紹述代有聞人道光同治間覺阿應羣公聘得保
寺田悅巖廣法戒之傳聿新寺宇皆有志重刊而未果
迨近松樵上人主席鑒於山志外間留存甚渺唯恐日

久湮歿無所攷據遂自奉儉約樽節鉢資十載以還蓄

有數百金時與

璜

磋商欲竟前人之志若重行付梓以

區區之數力有未逮擬就本寺保存之舊志影印若干

部以廣流傳

璜

溯自我家文定公後所營廬墓或喬居

山中者先後綿綿不絕而平日又荷松公結契最深似

與此山有三百年香火因緣心焉嚮之無何松公圓寂

賴其法兄鐵橋沆瀣一氣亟命法徒中恕踵成斯舉勿

緩勿忘

璜

亦從旁慫慂之庚午秋初遂獲歲事此段公

案始告結束

璜

不解佛學語焉不詳述其顛末如此然

而凡遊此山者流連風景如入眾香國萬梅花裏置閒
身結想華嚴如聞上乘禪一粒粟中藏世界當未有不
欽此志爲之先導也

民國十九年八月

里人申璜謹識

